



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Quantum temporis à morte Antichristi vsque ad diem iudicij excurret.
Sectio XV.

urn:nbn:de:hbz:466:1-39261

Quantum temporis à morte Antichristi vsque ad diem
iudicij excurrer.

SECTIO XV.

Communis est Doctorum sententia, post mortem Antichristi concedendum
esse hominibus spatium quadraginta quinque dierum, vt qui seducti ab An-
tichristo fuerint, locum habeant penitentia. Ita docent D. Hier. Theod. Lyran. *D. Hieron.
Theod.
Lyranus.
Magister.
Hugo Card.
Dion. Cart.
Dan. 12. 11.*
Magister historice Scholast. Hugo Card. Dion. Cart. Dan. Idque
colligunt ex illis verbis eiusdem c. *A tempore cum ablatum fuerit iuge sacrificium, &
postea fuerit abominatio in desolationem, dies mille ducenti nonaginti & octiduo, qui expectat, &
peruenit vsque ad dies mille trecentos triginta quinque, hoc est, Antichristi persecutio
durabit tribus annis cum dimidio: & præterea decepit, aut duodecim diebus, hoc
enim tempus includitur diebus mille ducentis nonaginta. Sed beatus, qui mortuo
Antichristo super vixerit quadraginta quinque dies, hoc est, peruenit ad dies
mille trecentos triginta quinque. Hæc enim summa præcedentem superat qua-
draginta quinque diebus. Quare significatur quadraginta quinque dies futuros
à morte Antichristi, vsque ad diem iudicij: quemadmodum discretis verbis exponit
D. Hier. Beatus, inquit, qui interfecit Antichristum, dies supra numerum præfixum, qua-
draginta quinque præstolabitur, quibus est Dominus atque saluator in sua maiestate ventu-
rus. Quare autem post interfecionem Antichristi quadraginta quinque dierum silentium sit,
diuina scientia est, nisi forte dicamus, quod dilatio regni sanctorum, patientia comprobatio
est.* Hæc Hieronymus.

Verum vtū plures, quam quadraginta quinque dies à morte Antichristi vsq;
ad diem iudicij excurrere debeant, incertū est: & illud etiā minimè exploratum, vt
ait Lyrā. in c. 39. Ezech. vtū illi dies futuri sint vsuales vt nostri, an pro annis co-
putari debeant: quemadmodum & Ezech. c. 4. dicitur, *Dies pro anno dedit tibi: Luxa
quam sententia incognita adhuc manet dies iudicij. Sane admodum probabile
est incertitas futuras eius tēporis inducias, etenim Dominus Matt. 24. agēs de suo
aduentu ad iudiciū sic ait, sicut erāt in diebus, ante diluuiū comedentes, & bibentes, &
nubentes, & nuptus tradentes, vsque ad eū diem, quo intrauit Noë in arcā, & non cognouerūt,
donec uenit diluuiū, & tulit omnes: ita erit aduentus filij hominis. Quam Christi senten-
tia Doctores referunt ad illud tēpus, quod effluet à morte Antichristi vsque ad
diem iudicij, & i. ad Thess. 5. *Dies Domini sicut fur in nocte, ita ueniet: cum enim dixerint,
Pax, & securitas, tunc repentiū superueniet interitū. Nō est autem uerisimile, tā bre-
ui quadraginta quinque dierū spatio, post mortem Antichristi, homines vsque
adeo de posteros tanta persecutionis memoriā, vt in ea uiuāt securitate, otio, ac
deliciis, quæ ante diluuiū præcessisse memorantur. Accedit, quod Christus Do-
minus docet diem iudicij incognitū omnibus mortalibus futurum, si autē qua-
draginta quinque tantum dies à morte Antichristi, vsque ad diem iudicij debe-
rent excurrere, sane possent eius temporis homines eum diem certò designare.**

Vtrum post mortem Antichristi, omnes Iudæi sint ad
fidem conuertendi.

SECTIO XVI.

Supponimus in hac questione Iudæos vsque ad finem mundi illud cæcitas
velamen, (de quo loquitur Paulus 2. ad Corin. 3.) super cor suum, & ante
mentis oculos habituros: id quod præterquam quod ex superioribus manifestū
est, ostendimus enim ex Christi prædicatione, veterumque Patrum testimoniis,
eos Antichristum, vt Messiam, ac Principem recepturos,) conceptis etiam

*A morte An-
tichristi vs-
que ad diem
iudicij 45.
dies excur-
rent.*
D. Hieron.

*II.
Lyranus.
Computari
ne debeant
dies illi pro
anno.
Ezech. 4. 6.
Matt. 24. 45.
Dies iudicij
etiam post
mortem in-
cognitus.
1. Thess. 5. 2.*